

EDITORIAL

Magpanikasog agud pakigbatuan ang paantus, pasista kag papet nga rehimen Marcos

Sa katapusan sang bulan, magatindog si Marcos sa atubang sang Kongreso agud liwat bilogon ang ulo sang pumuluyo tuhoy sa mga "nahimo" niya sa nagligad nga tatlo ka tuig. Tuman ka laba sang ginpangtagpi-tagpi sini nga kabutigan pero indi sini matago ang wala sang katapusan nga pag-antus nga gin-aagum sang pumuluyo sa idalum sang iya paghari. Wala untat ang pagsarurot sang lebel sang pangabuhi sang mayoriya sang pumuluyo. Wala sang tulong ang korapsyon sang pamilya Marcos. Bulag ang pagsunod sini sa dikta sang iya agalon nga imperyalismong US. Nagasingki ang pangpultika nga pagpang-ipit batuk sa pumuluyo nga nagatindog kag nagapamatuk.

Dala ni Marcos ang labi nga pag-antus sang kinaandan nga pumuluyo. Palas-anon pa gihapon sang pumuluyo ang mataas nga presyo sang bugas, nga indi matabunan sang pakitang-tawo nga palagwaon ni Marcos. Ka-kunsabo si Marcos sang mga kumpa-niya sang lana sa pagtimbuok sang presyo sang *diesel* kag gasolina. Sa pi-hak sang malapad nga panawagan, ginpunggan sang Malacañang ang hagna nga ₱200 nga dugang sa adla-wan nga sweldo sang mga mamumu-gon, kag imbes, dugang pa nga buwis ang ginpapas-an sa abaga sang pu-muluyo. Wala-tuo ang kakasanay sa trabaho, lapnagon ang disempleyo, li-

naksa ka libo ang nagakapwersa nga mangita sang trabaho sa luwas sang pungsod, samtang ginatos ka libo nga mga imol ang ginpalayas sa ila gina-puy-an, kag patarasak nga gina-aga-wan sang duta, pangisdaan kag mga kuluhaan sang palangabuhian.

Ginpatuman nila ang mga pata-karan kag programa nga labi nga na-gapahabok sa mga dumuluong nga mga dalagko nga kapitalista, kag mga kahimbon nga mga dalagko nga bur-gesya kumprador, agalon mayduta kag burukrata kapitalista. Wala-tuo ang pagpangutang ni Marcos nga wala man ginabene-

pisyuhan sang pungsod, kundi naga-kadto lang sa pangpa-ulbo nga mga proyektong pang-imprastruktura nga ginakuhaan sang kikkak ni Marcos kag mga korap niya nga opisyal. Ginatos ka bilyon ka piso nga kinawat nga manggad sang mga Marcos ang gin-balik sa ila kontrol, samtang ginatos ka bilyon ka piso ang ginhugakom sa dagway sang Maharlika Investment Fund, *confidential* kag *intelligence funds* ni Marcos, kag ginwaldas ang sobra-sobra nga gasto sa militar, sa kahalitan sang kinahanglanon nga mga sosyal nga serbisyo.

Kaangay sang nagliligad nga mga rehimen, ginapaburan ni Marcos ang mga dalagko nga mga dumuluong kag lokal nga mga kapitalista kag para makahugakom sila sang maksimum si-ni nga ganansya. Ginalansang ni Marcos ang sweldo sang mga mamu-mugon samtang ginakaltasan sang buwis ang mga kapitalista. Ginhata-gan niya sang ligwa ang pagpanag-iya sang duta sa Pilipi-nas (sa tabon sang layi nga na-gapahanugot sa 99 ka tuig nga pag-"arkila"), kag gi-nakuha ang mga regulasyon pang-kapalibutan agud wala sang sagang ang pagpangkaw-kaw kag pagpang-wasak sang dunang manggad sang pungsod.

Ginahatagan sila ni Marcos sang armadong proteksyon sang mili-



tar kag pulis, nga ginagamit sa pag-pang-ipit sa pumuluyo nga nagapa-ngapin sa ila duta kag palangabuhian. Sa kasyudaran, ginapuntirya sang mga pasistang gaway sang reaksyonyong estado ang mga mamumugon nga nag-union kag nagatindog agud ipakigbato ang ila mga demanda nga dugang nga sweldo. Ginagamit ni Marcos ang NTF-Elcac kag ang "Anti-Terrorism Law" sa pagsumpo sa mga kinamatarung sang mga mamumugon, mala-proletaryado, pamatan-on-estudyante, mangingisda, kababaenhan kag iban pa nga demokratikong sektor agud pungan sila nga mag-organisa kag magpakigbahin sa kahublagan para sa pagbag-o sosyal.

Sa kaumhan, hayagan ang terorismo sang estado sa pagpatuman sang layi militar sa mga barangay kag komunidad, nga ginasiling sang NTF-Elcac nga nagasuporta sa armadong rebolusyonyong kahublagan. Wala-tuo ang ekstrahudisyal nga pagpamatay, pagpangkugmat, pagpang-abukay sa mga kabalayan, ilegal nga pagpang-aresto, "pagpasurender," patarasak nga pagpalupok sang pusil, pagpangkanyon kag paghulog sang bomba sa mga uma kag kabukiran malapit sa mga komunidad. Bata man ukon tigulang, wala sang ginapili nga biktima ang brutalidad sang mga pasistang tinawo ni Marcos. Pinakamapintas ang

pagpangsumpo sang rehimen Marcos sa mga interyor nga baryo kag sityo sang mga mangunguma kag tumandok nga pumuluyo, nga gina-agawan sang duta sang mga dumuluong nga kumpaniya sang pagmina, mga plantasyon, proyektong pang-enerhiya kag eko-turismo.

Ginagamit ni Marcos ang karatula sang "kalinong" agud tabunan ang gyera sang pagpangsumpo sini sa makibanwahanon kag demokratikong kahublagan sang pumuluyong Pilipino. Ini ang handum sang mga imperyalista kag nagahari nga sahi nga "kalinong" nga nakabusal ang mga pigos kag ginahimuslan. Indi amo sini ang makatarungan kag pangmalawigon nga kalinong nga handum sang pumuluyo, nga maagum lang paagi sa pag-sabat sa ila sandigan nga mga demanda para sa libre nga pagpanagtag sang duta, pungsodnon nga industrialisasyon, matuod nga kahilwayan kag demokrasya.

Sa duso sang agalon sini nga imperyalista, ginmando ni Marcos nga pasingkion ang gyera para kuno dugmukon ang Bagong Hukbong Bayan. Todo-todo ang pagpakigkunsabo ni Marcos kag sang AFP sa pwersang militar sang US sa pagpwesto sini sang mga tropa, salakyan kag armas militar sa Pilipinas, kag sa paglunsar

sang asod-asod nga mga paghanas sa gyera nga nagapuntirya sa China, ginapainit nga ginapainit sang rehimen Marcos ang armadong tensyon sa South China Sea.

Wala sang masaligan ang pumuluyong Pilipino sa paantus, pasista, kag papet nga rehimen Marcos. Samtang nagapungko si Marcos sa Malacañang, gamiton niya ang iya poder para mas nga kawkawon ang kaban sang manggad sang pungsod, palawigon ang iya gahum, kag magdis-uganay sa iya mga karibal. Wala sang iban nga makadtuan ang pumuluyo kundi ang magtindog kag pakigbatuan ang rehimen US-Marcos.

Dapat palaparon kag palig-unon sang pumuluyo ang ila organisadong kusog. Sa kasyudaran, dapat ubos-kusog nga hugpungan ang mga mamumugon, mala-proletaryado kag mga pamatan-on-estudyante, bilang salandigan sang kusog sang iban pa nga mga demokratikong sektor. Dapat papagsikon ang mga demokratiko kag kontra-imperyalista nga paghimakas masa sa mga pabrika, komunidad kag mga eskwelahan.

Sa kaumhan, dapat pabaskugon kag palaparon ang hukbong bayan kag ang mga sanga kag komite sang seksyon sang Partido agud ubos-kusog nga tukuron kag itukod liwat ang mga organisasyon sang mangunguma agud magpangapin batuk sa pasismo, kag agud isulong ang mga paghimakas batuk sa mga pyudal kag mala-pyudal nga paghimulos, kag pabaskugon ang singgit para sa matuod nga reporma sa duta. Dapat papagsikon ang paglunsar sang mga taktikal nga opensiba kag ispesyal nga operasyon agud silutan ang pinakabangis nga pasista kag sabton ang ginapangayo nga hustisya sang pumuluyo.

Wala sang iban nga nagakadapat nga sabat ang pumuluyong Pilipino kundi ang pagpapagsik sang kahublagan masa kag armadong paghimakas agud pakig-awayan ang pagpamigos kag pagpang-ipit sang rehimen US-Marcos. Sa wala sang pagkataka nga pagpanikasog sa banas sang pakig-away, pat-od nga mapasabat si Marcos kag atubangan ang paghusga sang bug-os nga pumuluyo.



Tuig LVI No. 13 | Hulyo 7, 2025

Ang Ang Bayan ginabantala sa lenggwahe nga Pilipino, Bisaya, Iloko, Hiligaynon, Waray, Ingles kag Espanyol. Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Kaundan

Editorial: Manikasog sa pakigbato sa paantus, pasista kag papet nga rehimen Marcos 1
Kahublagan panadlong sa Southern Tagalog 3
Plano nga pabrika sang bala sang US sa Subic 4
Mapangwasak nga kwari, ginparalisa sang BHB 4
Mga protesta 4
Proyektong SCMB Railway kag LEC para sa US 5
Militante nga kawsa sang Pride March sa Pilipinas 6
Sa malip-ot nga pulong 7
Pabug-at nga buwis sa pumuluyo 8
Malapyudal nga pagpamigos sa mga mangunguma 9
Pagpatay sa mga sibilyan kag *hors de combat* 10
Matuod nga kalinong, ginpanawagan 10
Hublag protesta sa Kenya, mapintas nga ginbungkag 10

Ang Ang Bayan ginabantala duha ka beses kada bulan sang Komite Sentral sang Partido Komunista ng Pilipinas

 ang.bayan@cpp.ph

Kahublagan panadlong sa Southern Tagalog: Itudok sa balatyagon ang teorya, magtuon sa kaugalingon nga praktika

Sa tunga sang wala puas nga mga operasyon militar halin 2024, madinalag-on nga ginlunsar sa isa ka larangan gerilya sa Southern Tagalog ang isa ka kumperensya sa hilikuton masa kag hilikuton militar. Mayor nga katuyuan sang pagtililipon sang mga yunit sang Bagong Hukbong Bayan (BHB) ang magsuma kag magpaambitanay sang mga eksperyensya agud mas maayo nga maatubang ang nagasingki nga kampanyang pangdugmok sang Armed Forces of the Philippines (AFP) sa subrehiyon. Nagtambong diri ang namikska nga mga tigulang, nahanunga kag mga huben nga mga kadre. Sobra sa tunga sang nagtambong mga pamatan-on.



Magtuon, manadlong, magsulong

Ginbuksan ang kumperensya sang pagtuon sa duha ka kaso nga tulun-an sa hilikuton masa. Ginkuha ang mga ini sa inagihan sang duha ka yunit sang Hukbo sa mas o menos isa ka tuig. Mayor nga punto nga gindiskusyonan ang manera sang mga yunit sa hilikuton masa: ang pagbalanse sa hilikuton pagpalapad kag pagpadalum, kag ang kadugayon sang pagkampo sang mga yunit kag ang kalapiton sang mga ini sa mga lugar kon diin may konsentrasyon sang masa. Matalum nga gintumbok ang konserbatismo sa hilikuton masa kag mga paborito nga mga base nga ginatadlong subong.

Gintumod ang yabe nga papel sang hilikuton edukasyon, propaganda, kultura kag hilikuton medikal sa epektibo kag nagatagos nga hilikuton masa. Isa ka maayo nga halimbawa sini ang paghimo sang isa ka iskwad sang praymer sa isa ka banwa nga nagatalakay sa subong nga sitwasyon kag problema sang masa pati na ang manggaranon nga rebolusyonaryo nga kasaysayan sang banwa halin sa sosyal nga imbestigasyon. Epektibo nga nagamit ang praymer agud hugpongon ang masa kag tukuron ang mga grupo kag tsapter sang mga rebolusyonaryong organisasyon masa sa sining banwa.

Ginpunting man ang kakinahanglanon sang pagpakigbahin sang Hukbo sa produksyon sang masa kag paghatag sa ila sang serbisyo medikal sa hi-

likuton masa. Sa mga positibo kag negatibo nga inagihan nga ginhapag, nagtingkad ang desaysibo nga papel sang husto nga pagpamuno sang Partido kag ang malig-on nga paghiliusa agud mapaabante sang Hukbo ang hilikuton masa sa pihak sang mga upang, kabudlayan kag nagabag-o bag-o nga sitwasyon. Pagkatapos sang paghapag sang mga kaso nga tulunan, gin-rebyu ang "Mga Sandigan nga Prinsipyo sa Hilikuton Masa sa Kaumahan."

Ang sunod nga ginhapag kag gindiskusyonan ang mga kaso nga tulunan sang madinalag-on kag paslaw nga taktikal nga opensiba lakip ang pila ka mga depensiba nga awayan. Ginpa-tingkad sa mga kaso nga tulunan ang kakinahanglanon sang hilikuton paniktik kag pag-organisa kag pagpahulag sa masa para sa hilikuton nga ini.

Pareho sa hilikuton masa, matingkad sa mga kaso nga tulunan ang kakinahanglanon sang absoluto nga pagpamuno sang Partido sa Hukbo agud pahugton ang paghiliusa sa ano man nga sitwasyon nga atubangon. Kon wala ang amo nga pagpamuno sang Partido, indi mahimo ang maayo nga pagdepensa batuk sa kaaway kag pagdugmok diri nga amo ang nagapangu-na nga katungdanan sang Hukbo. Pagkatapos gintun-an ang "Mga Hambahanan sa Estrategiya sa Rebolusyonaryong Inaway sang China" ni Mao Zedong.

Ang ubod sang pagsuma sang mga

inagihan sa hilikuton masa kag militar kag pagtuon liwat sa teorya tuhoy diri amo ang pagsapol kag pagpadalum sang mga kadre sa ila paghangup sa mga sandigan nga prinsipyo sang pagkig-away gerilya sa halintang sang estratehikong depensiba kag sa kahimtangan sang pagpabalik sang kusog sang BHB halin sa pag-atras nga ginbunga sang mga pangsulod nga kahuyangan kag sa pag-atubang sa atake sang kaaway.

Naglunsar sang kapehan sa pila ka sesyon sa gab-i kon diin ginpaambit ang eksperyensya sa pagpasampa sang pamatan-on nga mangunguma, tumandok kag pamatan-on-intelektwal. Naghatag ini sang mga bula-wanon nga pagtulun-an kag inspirasyon kon paano papagsikon ang pagpasampa sa BHB kag kon paano palig-unon kag paayuhon ang mga Pulang hangaway sa tunga sang masingki nga pakig-away sa kaaway.

Agud ugaton sa ideolohiya ang mga kahuyangan kag problema, gintun-an man ang "Espesyal nga Kurso sa Empirismo" kag "Bahin sa Praktika" ni Mao. Katuyuan sini nga epektibo nga puntingon ang empirisistang tendensya sang panghuna-huna kag praktika nga ginapakita sa mga kaso nga tulunan. Partikular nga dagway sini ang pagpakuntento sa bulag-bulag nga datos bahin sa kahimtangan kag palangabuhian sang masa, manabaw nga paghibalo sa rebolusyonaryong

Sundan sa pahina 4

**Plano nga pabrika sang bala sang US,
tayuyon nga war games, ginpamatukan**

NAGPAHAYAG SANG PAGPAMATUK kag kahangawa ang lain-lain nga grupo batuk sa hagna sang Kongreso sang US nga magtukod sang pabrika sang bala sa Subic Bay, Zambales. Siling nila, peligro ang plano nga ini sa pungsodnon nga seguridad kag maka-apekto sa palangabuhian sang mga mangingisda sa Zambales.

Nagtuhaw ang plano nga pagtukod sang pabrika sa isa ka report sang US House Committee on Appropriations nga ginsapubliko sadtong Hunyo 24.

"Sa kasaysayan, indi ang kadutaan sang US ang nangin direkta nga target sang mga kasumpong sini nga pungsod, kundi ang mga base militar kag mga satelayt nga base sini sa iban nga lugar," siling sang Pamalakaya.

Ginbatikos naman sang Kilusang Magbubukid ng Pilipinas ang ginlunsar sang US nga Operation Lightning Strike war games sadtong Hunyo 30 sa Palayan City, Nueva Ecija sa idalum sang Salaknib Phase 2. Ginpalupok sa war games nga ini ang duha ka High Mobility Artillery Rocket System kag naggamit sang apat ka Apache attack helicopter.

Siling sang grupo, peligroso ang mga war games nga ini sa mga komunidad sang mangunguma, ilabi na ang live-fire missile test. Nagapati ang KMP nga indi ini para sa depensa ukon kalinong kundi kabahin sang paghanda sang US para sa gyera.

Samtang, nagmartsa sa Sydney sa Australia ang mga Pilipino kag Australian sadtong Hunyo 22 bilang pagbatikos sa ginlunsar nga Pilipinas-Australia Kasangga war games. Duha ka beses kada tuig nga ginlunsar sumugod 2023 ang Kasangga kon diin hilway nga makasulod ang mga tropang Australian sa teritoryo sang Pilipinas.

Halin sa pahina 3

kasaysayan sang mga erya kag hilaw nga paniktik. Maathag sa inagihan sang larangan nga ang indi pagkumpleto kag kakulangan sa paghimo sa sosyal nga imbestigasyon kag pag-analisa sa sahi nagabunga sang mga wala nagasanto nga patakaran kag programa sa pulitika kag mga plano militar.

Sa pagtapos sang kumperensya, ginpangayuan ang mga tumalambong sang ila mga repleksyon. Suno kay Ka Lima, "Kinahanglan nga isikway ang suhetibismo kag indibidwalismo sa kasuok-suok sang pagkatawo naton, ang arogansya, ang pagka-kampante sa tanan nga aspeto. Tuman ka hapos ang maghambal, apang ang tuman nga panghangkat yara sa aktwal. Bag-uhon naton ang pamaagi sang panghuna-huna para mangin maalam ang aton pag-analisa sa mga butang kag mangin husto ang mga tikang naton sa pagsolbar sa mga problema."

"Makig-away agud magpabaskog! Magpabaskog samtang nagapakig-away!" Ini ang panawagan sang kahublagan panadlong sa mga rebolusyonaryo sa Southern Tagalog.

Sa pihak sang alatubangon nga sitwasyon militar, mataas ang espirito sang mga Pulang kumander, giya pangpulitika kag hangaway sang nagbululagay ang mga yunit para sa mga panibag-o nga hilikuton nga gintalana sang kumperensya. Maathag ang hangkat para sa Partido kag Hukbo sa subong nga kritikal nga halintang sang rebolusyonaryong kahublagan: Abagahon ang nagadamo kag nagadako nga mga hilikuton kag sakripisyo nga may wala nagakupas nga espirito sang pag-alagad sa pumuluyo kag pagsalig sa kahustohon kag kadalagan sang rebolusyon.

AB

**Mapangwasak nga kwari,
ginparalisa sang BHB-Negros**

GINPARALISA KAG GINSUNOG sang Bagong Hukbong Bayan (BHB)-South Central Negros (Romeo Nanta Command) ang duha ka dump truck kag isa ka backhoe nga ginagamit sa mapangwasak nga operasyon kwari sa Sityo Medel, Barangay Carabalan, Himamaylan City, Negros Occidental sadtong Hulyo 4. Naglab-ot sa ₱11 milyones ang danyos sa operasyon.

Ginpatuman ini sang BHB bilang pagprotektar sa komunidad kag kapalibutan tungod madugay na nga nagapangperwisyo ang kwari. Tungod sa kwari, naapektuhan ang mga ulumhan kag palangabuhian sang mga residente nga nagasandig sa suba.



Hublag sa ika-3 ka tuig ni Marcos. Nagmartsa sadtong Hunyo 30 padulong sa Mendiola sa Manila ang mga pungsodnon-demokratiko nga organisasyon agud batikuson kag sukton ang rehimen Marcos sa okasyon sang ikatatlo ka tuig sini sa poder. Ginbatikos nila ang pagpaiddo sang rehimen sa imperyalismong US, paantus nga mga patakaran, pasistang pangpangsumpo kag inutil nga mga patakaran. May amo man nga protesta nga ginlunsar sa Baguio City kag Iloilo City.

Piket kontra kakasanay sa SkyCable. Nagpike ang SkyCable Supervisors, Professionals/Technical Employees Union (SSPTEU) sadtong Hunyo 24 sa atubang sang kumpanya sa Quezon City para pamatukan ang kakasanay sa SkyCable Corporation. Indi magnubo sa 133 myembro sang unyon ang posible nga kakason, magluwas pa sa mga mamumugon nga indi katapo sang unyon.

Pagpamatuk sa demolisyon sa mga floating house sa Cavite. Nagprotesta ang mga mangingisda nga katapo sang Pambansang Lakas ng Kilusang Mamamalakaya ng Pilipinas (Pamalakaya) sa baybay sang Bacoor City sadtong Hulyo 24 agud pungan ang peligro nga demolisyon sa ila mga balay nga nagatindog sa dagat. Ginabana-bana nga kapin sa 100 ka pamilya ang mapalayas sa demolisyon. Ang demolisyon kaangot sa plano nga 420-ektarya nga reklamasyon nga proyekto sang Frabelle Fishing Corporation kag sang lokal nga gobyerno.

Proyekto nga SCMB Railway kag LEC, magaserbe sa interes sang imperyalismong US

Ginpirmahan sadtong Hunyo 26 sang rehimen Marcos kag sang US Trade and Development Agency (USTDA), ang kasugtanan para sa pagpautang sang gobyernong US sang \$3.8 milyon para sa pauna nga pagpanalawsaw kag pagtuon sa proyektong Subic-Clark-Manila-Batangas (SCMB) Railway. Katuyuan sang proyekto nga magbutang sang sistema sang riles para sa transportasyon sang mga baligya para buhinan kuno ang pagginutok sa pantalan sa Manila.

Sa kalabaon nga 250 kilometro, sugpunon sang SCMB Railway ang Subic kag Clark, lahos sa National Capital Region tubtob sa pantalan sang Batangas. Base sa plano sang USTDA, magasugod sa 2027-2028 ang konstruksyon sang bahin sang Subic-Clark, kag sa 2028-2029 ang konstruksyon sang bahin sang Clark-Manila-Batangas. Target sini nga sugdan ang operasyon sang riles sa temprano nga bahin sang 2030. Ginabana-bana nga maglab-ot sa \$3.2 bilyon ang bili sang bug-os nga proyekto.

Una nga gintanyag sang rehimen Duterte ang proyekto nga riles sa tunga sang Subic kag Clark sa gobyerno sang China sadtong 2016. Nagpangako ang China sadtong 2018 nga pondohan ini apang ginbawi ini sadtong 2022. Sa pagpungko sang rehimen Marcos sa poder, liwat ini nga ginbuhi kag ginpalaba tubtob Batangas sa sulsol sang US.

Ginpaidalum ang proyekto nga ini sa ginatawag nga Luzon Economic Corridor (LEC), isa ka *trilateral* nga programa sa tunga sang US, Pilipinas kag Japan nga nagatuyo nga padasigon ang pagtambak

sang ila kapital, tinawo kag gamit sa dagway sang mga proyektong imprastruktura sa *renewable energy*, pantalan, paluparan, taytay kag dalan. Ang LEC ang una nga proyekto sang Partnership for Global Infrastructure and Investment sang US kag yabe nga bahin sang estratehiya sini nga Indo-Pacific batuk sa China, partikular kontra sa Belt and Road Initiative sini.

Magluwas sa SCMB Railway, ginpaidalum man sa LEC ang 27 ka iban pa nga proyektong imprastruktura lakip ang pagpalapad sang Clark International Airport, Bataan-Cavite Interlink Bridge, Subic Bay (Redondo-Ilanin) Bridge, Central Luzon Link Expressway, North Luzon East Expressway, Laguna Lakeshore Road Network Development, Kalaanan Irrigation Project, North-South Commuter Railway, New Clark City Extension Railway kag Southern Batangas Airport.

Ang SCMB Railway kag iban pa nga imprastruktura itukod para sa gamit sang mga dumuluong nga kumpanya, kaangay sang mga kumpanyang Amerikano sa pagmanupaktura

kag baterya nga luyag magpulos sa manggaran nga rekurso sang *nickel, cobalt, copper* kag *bauxite* sang Pilipinas.


Target sang US, kabulig ang Japan kag mga pungsod sang NATO,

nga magtambak sang tubtob sa \$100 bilyon nga kapital sa masunod nga 10 ka tuig. Kadam-an sang pondo nga ini sa dagway sang utang kag pribado nga kapital, nga luwas sa pagbuwis kag wala direkta nga angot sa lokal nga ekonomiya.

Upod sa mga katuyuan sini sa ekonomiya, ang SCMB Railway kag ang iban pa nga proyekto sa idalum sang LEC may maathag nga katuyuan militar kag heyopulitikal. Sugpunon sang SCMB Railway kag sang network sang mga taytay kag dalan ang mga dalagko nga “EDCA site” ukon mga base militar sang US sa Luzon, kag pahapuson ang pagsaylo-saylo sang mga armas, tinawo kag salakyan militar sa mga ini. Pahapuson man sini ang ang transportasyon militar sa iban pa nga bahin sang Luzon. Samtang, ang pagpalapad sang paluparan sa Clark magaserbe sa mga eroplalong pang-gyera sang US, nga subong may mga malapad na nga *hangar* kag pradahan sa katambi nga Basa International Airport.

Mas nga maathag ang katuyuan militar sang LEC sa sini lang nga anunsyo sang Kongreso sang US nga plano nga pagtukod sang pabrika sang bala sa sulod sang Subic. Antes sini, nag-arkila na sang dalagko nga bodega ang US sa Subic para ipwesto ang gamit-militar nga kuno kabahin sa paghanda sa mga kalamidad.

Lapaw sa Pilipinas, kabahin ang LEC sa mas malapad nga estratehiya sang US agud pungan ang nagalapad nga impluwensya sang China sa Southeast Asia. Bisan nagapabilin nga dominante ang pangapital sang US sa rehiyon, madamo nga pungsod diri ang mas nagasakdag sa pangapital sang China para sa mga dalagko nga proyekto sa imprastruktura, pagmanupaktura kag pagmina, kag kon amo indi magsira sa heyopulitikal nga mga katuyuan sini. Indi pareho sang Pilipinas, nagalikaw ang mga pungsod sa ASEAN nga mahigot sa eksklusibo nga alyansa militar sa US.



Hakson ang militanteng kawsa sang Pride March sa Pilipinas

Ginwagayway ang mga bandera sang bahaghari kag taas-inumol nga nag-martsa ang ginatos ka katapo sang sektor sang LGBTQ+, mga alyado kag progresibong grupo sadtong Hunyo 26 sa Stonewall Philippines Pride March nga ginhiwat sa Recto Avenue, Manila. Nakig-gitgitan sila sa mga pulis agud igiit ang paglunsar sang programa sa Mendiola.

Sa pagpanguna sang pungsodnon-demokratikong grupo sang mga LGBTQ+ nga Bahaghari, gintukod sang mga pormasyon nga Pride (ginasaulog sa bulan sang Pride) ang Stonewall Philippines. Pormal nga gindeklarar sang bag-o nga organisasyon ang tuig-tuig nga pagpamuno sang militante nga mga aktibidad kag martsa para sa Pride kada Hunyo.

Pagsaludo kag pagkabuhi ang Stonewall Philippines sa pinakauna nga Pride March sa Pilipinas kag bisan sa Asia - ang Stonewall Manila nga ginlunsar sadtong Hunyo 26, 1994 sa Quezon City. Ginpangunahan ang militante nga martsa kag mitsa sang pila ka dekada nga paghimakas sang LGBTQ+ sang Progressive Organization of Gays in the Philippines (ProGay), kabulig ang Metropolitan Community Church (MCC).

Upod sang panawagan batuk sa diskriminasyon sa LGBTQ+ kag pagtibong sa mga kinamatarung sang sektor, nagtindog sila sadto batuk sa paantus nga Value Added Tax (VAT), pagsaka sang presyo sang lana kag balaklon kag ginbuyagyag ang mga kontra-pumuluyo nga patakaran sang sadto rehimen US-Ramos.

Trenta'y uno ka tuig ang nagligad, ginapanawagan subong sang sektor ang pagpasar bilang layi sang SOGIE Bill, makabuhi nga sweldo, trabaho, matuod nga reporma sa duta kag pungsodnon nga industriyalisasyon, kag independyente nga patakaran pangluwas, kahilwayan para sa Palestine kag mga pungsod nga ginapigos sang US. Ginasaluduhan nila ang mga martir sa sektor sang LGBTQ+ nga nagserbe nga mga organisador kag aktibista pareho nanday Alex Dolorosa, Chad Booc, Ryan Hubilla, Ali Macalintal kag madamo pa nga iban.

Magpakigbahin sa pungsodnon demokratikong rebolusyon

Nagpahayag sang pagpakig-isa kag pagsaludo ang Makabayang Kilusan ng Bagong Kababaihan (Makibaka) sa sektor sang LGBTQ+ sa pagsaulog sang Pride sadtong Hunyo. Gina-engganyo sang grupo ang sektor nga makig-isa kag direkta nga makigbahin sa pungsodnon-demokratikong rebolusyon nga matuod kag lubos nga magahawan sang dalan para sa himpit nga kahilwayan sang LGBTQ+ kaupod ang pumuluyo nga pigos kag ginahimuslan.

Kaangot sini, nagapaandam ang grupo nga mangin mabinantayon sa pagpangsabotahe kag pagpang-into sang imperyalismo kag tanan nga reaksyon sa paghimakas sang LGBTQ+ kag pagsaulog sa bulan sang Pride. Siling sang Makibaka, ginalabugay sang imperyalismo ang pagsaulog agud ipahilayo ang LGBTQ+ sa paghimakas batuk sa diskriminasyon, kag pungsodnon nga pagpamigos kag paghimulos.

Ginahingalitan sang mga dalagko nga korporasyon kag mga pulitiko ang pagsaulog sang Pride. Samtang ginapatuman sang mga ini kag sang imperyalistang US ang daw pyesta nga Pride, padayon ang pagpabilin sang mga layi kag patakaran sa ekonomiya kag pulitika nga mas nga nagalubong sa mga LGBTQ+ halin sa masang anakbalhas kag nagatulod sa ila sa mga kontra-sosyal nga mga aktibidad agud mabuhi.

Isa ka manipestasyon sini ang "rainbow washing" ukon "rainbow capitalism." Nagakahulugan ini sang paggamit sa mga simbolo kag lenggwahe sang sektor sang LGBTQ+ para magkita sang mas dalagko ang mga korporasyon.

Nagapanawagan man ang grupo nga mangin kritikal ang Pilipino nga




mga LGBTQ+ sa pangkultura nga opensiba sang imperyalistang US sa panghuna-huna kag gawi sang masa. Ginpapalapnag sang imperyalismo ang burges-dekadente nga kultura kaa-ngay sang sayup nga basehan sang kagayon kag iban pa nga basehan sang pagka-LGBTQ+. Unod man sini ang indibidwalismo kag *hypersexuality*.

Sa atubang sang mga pagtinguha nga ini sang imperyalismo, ginhangkat sang Makibaka ang mga yara sa sektor sang LGBTQ+ nga usoyon ang banas sang wala pagkangilin nga paghalad sang panahon kag kabuhi para sa pungsodnon demokratikong rebolusyon, labaw pa sa ila kaugalingon.

Dapat sundon ang halimbawa sang mga namartir nga Pulang kumander kag hangaway sang Bagong Hukbong Bayan lakip nanday Val Mante (Ka Richard), Daniel Imperial, Wanda Gumban (Ka Waquin), Kevin Castro (Ka Facio), Jo Lapira (Ka Ella), Ciela Pacaldo (Ka Alena), Jethro Isaac Ferrer (Ka Pascual), Kal Peralta (Ka Rekka), Queenie Daraman (Ka Kira), Dee Supelanas (Ka Dahlia), kag mada-mo pa nga iban. Dapat saluduhan ang paghalad nila sang kusog, kaalam, kaisog kag kabuhi para sa masa kag lain-lain nga patag sang rebolusyonaryong hilikuton.

AB



6

ka bulan nga indi makatarungan nga ginbilanggo si **Tatay Pruding** (Prudencio Calubid Jr) sa pihak sang tuman ka klaro nga ebidensya nga indi siya si Prudencio Calubid, konsultant sa hinun-anon sa kalinong sang NDFP, nga biktima sang pilit nga pagkadula sang estado sadto pang 2006.



sa *corals* sa **Paradise Reef** ang nagkalamatay tungod sa konstruksyon sang Samal Island-Davao City Bridge.

5 ka tuig sang pasista nga Anti-Terror Law

227 na ang ginpang-ipit, **34** ang ginkategorya nga "terorista," **193** ang ginkasuhan, kag **30** ang ginbilanggo sa idalum sini. **Anum** sa mga kaso ang ginbasura.

₱50 lang ang dugang-sweldo

nga gin-aprubahan sang NCR *wage board* subong nga tuig, katumbas lang sang 0.4% sa gasto sang mga kapitalista, kag wala pa 2.5% sang ila kita. **Ang dugang nga ini kulang sang ₱576 agud malab-ot ang makabuhi nga sweldo.**

27%↑

lang sang kabug-osan nga ginsaka sa presyo sang gasolina kag 37% lang para sa *diesel* ang gin-rolbak halin sa 11 ka beses nga pagpasaka sini sang mga kumpaniya sa lana halin Enero 1 tuhtob Mayo 25, 2025.

20%↓

ang gin-usmod sang nakuha nga isda sa bug-os nga pungsod sadtong Mayo bangud sang malain nga panahon.

31% ang ginsaka sang utang sang Pilipinas, halin ₱12.8T padulong sa ₱16.92T, sa 3-tuig nga pagpungko sang rehimen Marcos.



12 KA ADLAW

ang ginlawig sang agresyon sang US kag Israel batuk sa Iran, kon diin ginbomba sang US ang tatlo ka importante nga pasilidad nukleyar para sa pagpanalawsaw sang Iran gamit ang 30,000-libras nga mga bomba.

Pabug-at nga buwis sa pumuluyo, pamag-an naman sa mga dumuluong

Sa nagligad nga mga dekada, nagabug-at nga nagabug-at ang nagasinampaw nga buwis nga ginapapas-an sa pumuluyong Pilipino, nga mas nga naglubong sa ila sa kumunoy sang kaimolon. Sa pihak nga bahin, nagamag-an nga nagamag-an ang buwis nga ginasukot sa pinaka-dalagko nga mga burgesya kumprador kag mga dumuluong kag lokal nga kumpaniya, nga mas nga nagpada-ko sa ginahugakom nila nga ganansiya.

Pila ka dekada nga gina-agwanta sang pumuluyo ang Value Added Tax (VAT) sa pinakasandigan nga produkto nga pagkaon kag serbisyo, nga sa una 10% apang sang ulihi nangin 12%. Sadtong 2016, naglab-ot sa ₱622 bilyon ang nakolekta nga VAT nga mas pa nga nagdako sa masunod nga mga tuig. Sadtong 2013, ginabana-bana ginabug-os sini ang 18.9% sang kabug-osang rebenyo sang gobyerno, halin sa manubo nga 7.9% sadtong 1989. Mas pa nga nagbug-at ang ginapas-an sang pumuluyo sang ipatuman ang TRAIN Law nga nagpatuman sang dugang nga *excise tax* sa mga produktong petrolyo, sigarilyo, makahulubog nga ilimnon, matam-is nga ilimnon kag iban pa.

Sadtong Hunyo, gindugangan pa ni Marcos ang palas-anon sang pumuluyo sa pagpasar bilang layi sang Digital Services Tax nga nagapatuman sang 12% nga VAT sa mga serbisyo nga nagaagi sa *internet*. Ginasakop sang bag-o nga layi ang mga *online shopping platform* kaangay sang Shopee kag Lazada, mga *website* para sa mga nagapangita sang *freelance* nga trabaho kaangay sang Fiver kag Upwork, kag *streaming platform* pareho sang Netflix kag Spotify. Pas-anon ang buwis sang kinaandan nga *content creator*, *online seller*, *freelancer*, kag manugbakal. Ginabana-bana nga magaganansya ang rehimen US-Marcos sang ₱105 bilyon sa masunod nga lima ka tuig halin diri.

Antes sini, gina-obligar ang mga nagabaligya sa mga *online shopping platform* nga magparehistro sa Bureau of Internal Revenue (BIR) kag magbayad sang 1% nga buwis halin sa ila kabug-osang nga kita. Isunod pa sang rehimen Marcos ang buwis sa mga


single-use ukon isa ka gamit nga mga plastik kag buwis para sa mga nagagamit sang motorsiklo.

Sa pihak nga bahin, mas pa nga nagdako ang kita sang mga dalagko nga lokal kag dumuluong nga kumpaniya tungod sa mas ginpanubo nga buwis nga ginasukot sa idalum sang CREATE MORE Law. Tatlo pa ka layi ang ginpasar sadtong 2024 nga labi nga nagbuhin sa buwis sang burgesya kumprador kag mga dalagko nga lokal kag dumuluong nga kumpaniya. Ang mga ini ang Ease of Paying Taxes Act, Real Property Valuation and Assessment Reform Act, Capital Markets Efficiency Promotion Act, nga tanan kabahin sang Comprehensive Tax Reform Program nga ginpatuman sadtong panahon sang rehimen Duterte kag ginpadayon sang rehimen US-Marcos.

Ginpaboran sang mga layi nga ini ang mga negosyante paagi sa mas simple nga sistema sang pagbayad sang buwis, pagbuhin sang buwis sa kita, pagbuhin sa multa sa indi makabayad sa husto nga oras, pagpanubo sang buwis sa pagbakal kag pagbaligya sang mga sosyo kag paghatag sang mga insentibo pareho sang *tax holiday*, libre ukon manubo nga sukot sa kuryente, manubo nga buwis sa duta, amnestiya sa pagbayad sang buwis kag iban pa.

Magalab-ot sa ₱5.9 bilyon nga buwis sa sulod sang tatlo ka tuig ang buhin sa koleksyon sang reaksyonaryong estado sa CREATE MORE Law pa lang. Sa idalum sang una nga CREATE Law, naglab-ot sa ₱476.8 bilyon ang ginbuhin sa buwis sa mga dalagko nga negosyante sa una nga lima ka tuig pa lang.

Ginatawag nga regresibo ukon



paatras ang sistema sang pagpatuman sang matag-as nga buwis kaangay sang VAT kag *excise tax* sa mga produkto kag serbisyo nga ginabakal ukon ginagamit sang pumuluyo. Ang mga buwis nga ini una nga ginpatuman sa dikta sang World Bank (WB) sa mga atrasado nga pungsod pareho sang Pilipinas agud maseguro nga bastante ang makolekta nga kita sang pungsod kag mabayaran sini ang mga dumuluong nga utang. Sadtong dekada 1980, kabahin ini sa mga kondisyon sang pautang sang WB kag International Monetary Fund (IMF). Suno mismo sa WB, ang buwis pareho sang VAT ang pinakadali nga makuhaan sang kita sang estado tungod mabudlay ini nga likawan kag ang mga nagabaligya nangin tig-kolekta man sang buwis. Sa pagkamatuod, nagapati ang WB nga kulang pa ang VAT kag "may espasyo pa" agud ipasaka ang kita sa VAT sa Pilipinas.

Sa pihak sang nakolekta nga buwis halin sa masang anakbalhas kag petiburges, gamay nga porsyento lang sini ang nagakadto sa serbisyo sosyal kaangay sang edukasyon kag ikaayong lawas ukon pondo para sa agrikultura. Yara sa 20% sang pangkabug-osang nga pondo sang gobyerno kada tuig ang nagakadto lang sa korapsyon ukon deretso sa bulsa sang mga burukrata kapitalista. Ang mala-la ginagamit pa ang buwis sa pasismo sang estado paagi sa pagbakal sang mga armas, pagpondo sa NTF-Elcac kag mga pasistang kumpaniya. AB

Mala-pyudal nga pagpamigos sa mga mangunguma sang utan sa Bukidnon kag Lanao del Sur

I sa ka ektarya nga duta ukon mas gamay pa ang kinaandan nga ginalalauma sang mga imol kag nahanunga nga mangunguma sa dulunan sang Bukidnon kag Lanao del Sur. Kinaandan nila nga magtanum sang utan kasubong sang kalabasa, sili, repolyo, patatas, karots, kamatis, Baguio beans, pidada, talong kag brokoli, bisan kamote kag mais. Nagasinampaw nga mala-yudal nga pagpamigos ang ginaagum nila, halin sa kawad-on sang duta, usura, mahal nga gasto sa produksyon tubtob sa barato nga baligyaanay sang produkto.

Paghimulos sa produksyon

Tungod wala sang bastante nga kapital, naandan na sang mga mangunguma ang magpangutang para sa produksyon. Nagapaidalum sila sa mga kasugtanan sang pautang sa mga lokal nga “pinansyer” ukon usurerong nga may mahimuslanon nga kaayusan kag interes. Partikular sa mga utanan, ang interes sa utang yara sa dagway sang tungaay sa ila kabug-osang nga ani ukon kita.

Para sa mga mangunguma nga wala sang duta, nagaluntad diri ang sistema nga “meyntener.” Sa idalum sini, ang tag-iyang sang duta (nagaakto nga pinansyer) nagapautang sa mangunguma para tamnan ang duta nga ginapagamit sa iya. Ginagamit ang pautang para sa paghanda sa duta, binhi, abono, pestisidyo, herbicide kag pagpasweldo sa mamumugon sa uma. Gani, nagaisahanon nga ginaabaga sang mangunguma ang gasto sa produksyon kag pagtrabaho.

Dugang nga pabug-at sa mangunguma ang pagpangdaya sang pila ka pinansyer sa presyo sang mga farm input nga ginapautang sa mga mangunguma. Sa isa ka kaso, ginaparesyahan sang pinansyer ang tag- $\text{P}1,100$ nga galon sang Roundup herbicide sa bili nga $\text{P}1,700$.

Indi lang kaisa ka higayon nga napierde ang mga mangunguma sang utan kon magsarurot ang presyo sang baklanay sang produkto ukon maigo sang kalamidad. Tungod

sini, nagakahigot sa siklo sang liwat nga pag-utang sa pinansyer para sa masunod nga pagtanum tubtob lubos na nga malunod sa utang.

Paghimulos sa baklanay

Ginadala ang produktong utanon sang mga mangunguma sa Cagayan de Oro City, malayo halin sa mga talamnan. Ginadala ini sa bagsakan sang utan sa Barangay Bulua kon diin masami ginatambak sa mga bodega sang mga pinansyer-dealer ukon mga dealer.

Ginasukot ang mangunguma sang $\text{P}20$ kada sako (100 kilo kada sako) sa pagdiskarga sang ila produkto sa bodega. Nagabayad man sila sang $\text{P}2.5\text{--P}3$ kada kilo ($\text{P}250\text{--P}300$ kada sako) bilang arkila sa bodega sa mga dealer ukon sa pila ka kaso 10% sa bili sang benta sa produkto nga utan.

Sa bagsakan, ginatalana ang presyo sang mga produkto nga utanon depende sa dagas sang suplay kag pagliso sang baklanay. Wala sang konsiderasyon ang mga dealer sa gasto sang mga mangunguma sa pagtalana sang pangkabug-osang nga presyo. Mga dealer man ang nagatalana sang basehan sang pagpresyo depende sa kalidad sang utan. Sila man ang nagatalana sang presyo sang baklanay sa komersyante. Kon indi mabaligya sang dealer ang produkto, ginabalik ang mga ini sa mangunguma.

Sa baligyaanay sang pidada, ha-

limbawa, sa kada kilo sang pidada nga ginabakal sang $\text{P}50$ sa mangunguma pwede nga ibaligaya sang dealer sa komersyante sa bili nga $\text{P}70$. Kon mabaligya niya ang 5,000 ka kilo sang pidada, nagakita ang dealer sang $\text{P}15,000$ halin sa arkila sa bodega, kag $\text{P}100,000$ sa pagbaligya sini sa komersyante. Magakita siya sang gross ukon pangkabug-osang nga $\text{P}115,000$, antes kaltasan sang pasweldo sa trabahador kag iban pa nga gasto.

Sa bahin sang mangunguma, magakita lang siya sang $\text{P}250,000$ sa 5,000 ka kilo. Kaltason diri ang gasto sa produksyon nga $\text{P}205,132.40$ kag mabilin ang $\text{P}44,867.60$. Kon magsulod siya sa sistema nga financing ukon maintainer, ang mabilin lang sa iya $\text{P}22,433.80$.

Magluwas diri, dako ang epekto sa presyo sang ismagling kag mga kartel nga nagakontrol kag nagamanipular sa suplay. Labi nga butungon panubo ang presyo sang lokal nga produkto nga utan kada magbaha ang imported nga utan nga ginpanugutan sang gobyerno.

Bilang prodyuser sang pagkaon, ginagiit sang mga mangunguma diri ang kasegurohan sa duta nga ginalalauma; makatarungan nga presyo sang mga produkto kag pagkakas sang lain-lain nga pamaagi para baraton ang ila produkto. Panawagan man nila ang makatarungan nga interes sa pautang; pagpasaka sang sweldo sang mga mamumugon sa uma kag pagpanubo sa arkila sa bodega ukon komisyon sang mga dealer.



Pagpamatay sa mga sibilyan kag *hors de combat*, nalista sa Masbate, Leyte kag GenSan

Sa nagligad nga mga sinemana, nalista ang lima ka biktima sang pangpulitika nga pagpamatay sang mga pwersa sang estado. Magluwas diri, may yara man mga kaso sang pagpang-aresto, pagpang-luthang kag pagpang-ipit. Dugang ang mga ini sa nagasinampaw nga krimen sang rehimen US-Marcos sa iya tatlo ka tuig sa poder.

Sa Masbate, ginratrat sang bala kag ginpatay sang mga pwersa sang estado ang 25-anyos nga sibilyan nga si Joey Oas sa Barangay San Carlos, Palanang sadtong Hunyo 29. Ginapaguwa siya nga "nagbato" kag nakuhaan sang pusil, mga magasin kag bala. Ginapasibangdan man siya nga katapo sang sparrow yunit sang Bagong Hukbong Bayan (BHB).

Sa Leyte, hungod nga ginpatay sang 93rd IB kag 802nd IBde ang duha ka *hors de combat* nga katapo sang BHB kag isa ka medik sadtong Hunyo 18 sa Barangay Cogon, Carigara. May balatian kag nagapaa-yo sadto sanday Juanito Selleca Jr (Ka Tibor/Ka Rey) kag Saddam Paclita (Ka Dimple) sang salakayon kag ginpangluthang sang mga soldado. Ginpatay kaupod nila si Lino Delante (Ka Dodong), isa ka medik nga naga-atipan sa mga pasyente. Indi armado ang tatlo.

Sa General Santos City, ginpangluthang kag ginpatay sang wala pa nakilal-an nga mga tawo si Ali Jejhon S. Macalintal, isa ka brodkaster sa radyo sadtong Hunyo 23 sa Barangay Lagao. Si Macalintal, isa ka *transwoman*, nangin aktibo nga katapo sang mga progresibo nga grupo halin sadtong 2002. Sadtong 2024, nag-report si Macalintal nga gina-ipit kag ginatiid siya sang mga ahente sang Task Force Gensan. Pila ka adlaw antes luthangon, nakabaton siya sang mga pamahog sa iya kabuhi.

Pag-aresto. Lima ka aktibista pangkultura ang gin-aresto sang mga pwersa sang estado sadtong Hunyo 27 sa Barangay Pasong Buaya II, Imus, Cavite. Sa kasagsagan sang ila oplan pinta, ginsundan sila, gindumog, ginpahog gamit ang pusil, antes gindala sa barangay hall. Temporaryo sila nga nahilway sadtong Hulyo 1 kag naga-atubang sang mga kaso nga *malicious mischief* kag bandalismo.

Pagpangluthang. Sa Negros Oriental, patarasak nga nagpalupok sang pusil ang mga "trigger happy" nga soldado sang 62nd IB sa Sityo Putat, Barangay Humay-humay sa Guihulngan City sadtong Hunyo 23.

Sang sunod nga adlaw, pilit nga ginsulod sang mga soldado ang balay ni Bobby Gemodo sa Sityo Laos, Barangay Binobohan sa syudad agud ipiton siya. Ginkadtuan man sang mga soldado ang balay ni Mario Noyad sa Sityo Natae, Barangay Binalbagan, Canlaon City agud hadlukon kag pahugon siya. AB

Matuod nga kalinong, panawagan sang mga tawong simbahan kag iban nga sektor

GINHIWAT SA ROME, Italy sadtong Hunyo 27-28 ang "Pagta-num: Sowing Seeds of Faith Solidarity for the Filipino People's Struggle for Peace," isa ka pagtililipon sang kapin 70 ka tiglawas sang lain-lain nga pagtuluohan kag mga grupo sa tawha-non nga kinamatarung halin sa 13 ka pungsod. Ginpatigayon ini sa atubang sang gilayon nga kakinahanglanon para sa paghiliu-sa sa kubay sang tawong simbahan agud suportahan ang paghimakas sang mga Pilipino para sa kalinong.

Nagtipon man ang mga tiglawas sang lain-lain nga grupo kag sektor sa ginhiwat nga Mindanao-wide Peace Conference sadtong Hunyo 24 sa Cagayan De Oro City sa pagpanguna sang Council of Leaders for Peace Initiatives. Panawagan nila nga suportahan ang hinun-anon sa kalinong sa tunga sang GRP kag NDFP nga magasabat sa mga ugat sang armadong paghimakas sa pungsod.

Hublag protesta sang pumuluyong Kenyan, mapintas nga ginbungkag

MALAB-OT SA 16 ka raliyista ang napatay kag 400 ka iban pa ang napilasan sang mapintas nga ginbungkag sang rehimen US-Ruto sang Kenya ang mga protesta sang pumuluyo sadtong Hunyo 25. Ang protesta kabahin sang pagdumdum sa serye sang higante nga mga demonstrasyon nga ginlunsar sadtong nagligad nga tuig batuk sa neoliberal nga hagna nga Finance Bill 2024, nagasingki ang kapintas sang pulis kag pagpangsum-po sang estado.

Madumduman nga napaatras sang higante nga hublag sadtong 2024 ang rehimen US-Ruto sa plano nga pagpatuman sang mga mabug-at nga buwis nga dikta sang International Monetary Fund (IMF) nga labi nga magapaantus sa masang Kenyan. Para tuso nga ipalusot ang mga buwis, bahin-bahin ini nga ginpasar sang parlyamento sang Kenya sang nagligad nga tuig.

Ginlunsar ang mga hublag sa Nairobi, Mombasa, Kisii, kag iban pa nga syudad. Dala-dala nila ang bandera sang Kenya kag nagasinggit sang panawagan nga "Ruto Must Go" (Palaya-son si Ruto) kag "Occupy Statehouse" (Sakupon ang Statehouse ukon puluy-an ni Ruto bilang pinuno sang gobyerno). Dala man nila sa mga protesta ang mga larawan sang mga nagkalamatay sadtong nagligad nga tuig sa kalakasan sang pulis batuk sa demonstrasyon.

Nagpahayag sang suporta kag pagpakig-isa sa paghimakas sang masang Kenyan ang International League of Peoples' Struggles Africa kag West Asia Regional Committee. Gina-engganyo nila ang mga Kenyan nga labi pa nga magpurigi sa atubang sang nagasingki nga pagpangsumpo.

"Husto lang nga magpadayon sa pag-organisa sa mga Kenyan kag maglunsar sang mga aksyon masa agud isulong ang panawagan para sa pungsodnon nga kahilwayan kag demokratikong kinamatarung," pahayag sang komite. Kaangay sang ginpakita sang lapnagon nga demonstrasyon sang pumuluyong Kenyan sadtong 2024, nagapati ang ILPS nga masarangnan nga iduso sang nagadako nga hublag ang rehimen Ruto nga ipaatras ang mga dunot sini nga mga patakaran.